

明鑑紀事本末

第十二函

紀事本末卷之七十八

提督浙江學政會事豐潤谷應泰編者

際第

男

際辰

訂

李自成之亂

懷宗崇禎元年延安大饑不沾泥楊六郎王嘉胤等
率衆掠富家粟有司捕之急遂指竿爲盜米脂人李
自成性狡黠善走能騎射家貧爲驛書往投焉已而
益政洪承疇擊賊破之不沾泥等相次俘獲自成走

匿山澤間得免。

二年冬十月都城警詔天下勤王。山西巡撫耿如杞入援。兵潰于涿鹿。叛走秦晉間山谷。李自成出與之合。旬日間衆至萬餘。推高迎祥爲首。稱闖王。轉寇山西河南。賊中稱自成爲闖將。已而官軍擊迎祥斬之。羣盜推自成爲王。

七年總督洪承疇率總兵曹文詒等先後勦諸賊。斬獲甚衆。羣賊悉奔入商維興平大山中。衆潰散。李自成與張獻忠奔盩厔間。六月總督陳奇瑜圍李自

成于漢中車廂峽。會連雨四十日。賊馬乏芻。死者過半。弓矢俱脫。賊大窘。自成乃自縛乞降。奇瑜許之。各給免死票。回籍。自是復縱橫不可制矣。秋七月。李自成陷澄城。圍邵陽。聞洪承疇兵至。解圍去。轉寇平涼。邠州。八月。李自成陷真寧。殺知縣趙躋昌。洪承疇兵至。賊棄金帛。餌官兵。竟西遁。屯乾州。招之不聽。十月。總兵左光先擊李自成于高陵。富平間。斬首四百餘級。自成佯求撫于監軍道劉三體。真寧知縣王家永遽信之。出城招諭。失其甲三。顧逆其詐。卽入。

堡自守賊走涇原

八年羣賊盡集死維李自成獨留秦平其衆七八萬
總督洪承疇邀擊連敗之秦中郡縣俱堅壁清野賊
饑疲東西分竄退屯興平武功諸梁計窮乞撫以緩
兵陰遣諸賊攻掠山谷堡塞搜掘巨室窖藏芻糧盡
爲賊有賊旣得食復連營走漢中爲西兵所挫東走
邠寧環慶其衆漸散會承疇以寧夏兵變旋師邊鎮
自成得收餘燼復振突出潼關守將艾萬年等兵俱

潰

卷四十一

七

九年春正月李自成出河南攻固始左良玉遇自成于閔鄉相持六日總兵陳永福援之敗之于朱仙鎮自成走登封密縣三日李自成誘別部賊入河南當官兵而自帥麾下奔洛南循南山險阨遵商雒而行復出陝西官軍敗績羅家山失亡士馬無算自成自鄜州至延綏夏五月李自成欲往綏德渡河入山西定邊副將張勳力戰却之賊沿河犯朝邑將圍綏德延綏總兵俞勗霄引兵逐賊陷賊伏中狎霄被執綏延精卒盡獲賊分陷米脂延安綏德賊本

延安人。至是再入延安。錦繡書遊。衛其親戚。故從亂者益衆。

十年春正月。官軍敗于寶雞。李自成寇涇陽三原。西安大震。賊勢益熾。冬十月丁酉。李自成同過天星九股。陷寧羗。分三道入西川。自成自七盤關度朝天閣。戊戌至廣元。寅陷昭化。癸卯過劍閣。甲辰陷劍州。乙巳陷梓潼。不雅。參將羅尚文大敗賊于廣元。斬首千級。賊自梓潼分爲三。一走棧州。一趨綿州。一入江油。遂陷青川。彰明。盤亭。諸縣。圍綿州。康成。賊漸。

逼成都。土寇蠟附之。巡撫王維章次保寧。畏賊不敢
出。丙辰賊焚郫縣。詔平維章職。以傅宗龍巡撫四川。
十一年二月李自成由瀘溪。陝寇盡聚川西。總督洪
承疇檄川中諸道兵。以守要害。賊因乏食。承疇以川
師誘之。陝兵設伏于潼。自成率羣賊逐川兵。川兵
走。伏發。賊大敗。斬首二千餘。殘賊之。自成率殘衆數千
走溪南。子身入楚。依張魯忠。不許至竹溪。獻忠謀殺
之。自成獨乘驟。日行六百里。走商雒。至浙川。老回回
營。卧疾。今年餓。老回回授以數百人。仍出剽掠。其同

自成入川諸賊仍出階文向陝西

十二年九月秦兵大破李自成于函谷自成衆散畧盡其部下相繼俱降自成竄漢南秦兵蹙之于北左良玉阬武關以南自成窮蹙不得他逸食且盡自經者數四養子李雙喜救之自成因令軍中盡殺所掠婦女以五十騎衝圍而南初諸將困自成峭函諸山中斷其要害合圍甚密將坐斃之督師大學士楊嗣昌曰圍師必缺不若空武關一路設伏商維鄖均以待之可一擊而盡也自成不隙突走諸將不能禦遂

自武關逃入鄖陽。息馬深山中。時河南大饑。饑民所
在爲盜。自成乃自鄖均走伊雒。饑民從者數萬。勢復
大振。十二月自成圍永寧。雲梯肉薄。攻城陷之。焚
殺一空。殺萬安王采鐙。連破四十八寨。土賊一斗穀
等羣盜響應。遂陷宜陽。衆至數十萬。化縣諸生李巖
爲之謀主。賊每以剽掠所獲散濟饑民。故所至咸歸
附之。其勢益盛。

十四年春正月李自成圍河南府。福王募死士逆戰。
斬獲頗多。賊引退。賊以大砲環攻城。城守嚴不動。及

昏而退。總兵王紹禹兵有馳而呼于城上者。外亦呼而應之。紹禹兵卽執副使王胤昌于城上。紹禹馳解之。諸軍曰。賊已在城下。卽總鎮其如我何。揮刀殺守陣者數人。守陣者皆驚墜堞。賊緣堞而上。叛兵迎之。賊遂入。賊焚福王府。福王及世子俱絕城去。士民被殺數十萬。執副使王胤昌已下。各官皆不死。惟一典史不屈。見殺。河南方大饑。通判白尚文墜城死。其屍爲饑民所食。頃刻盡。自成發藩邸。及巨室米數萬石。金錢數十萬賑饑民。先是自成聞福藩最富。爲謀已。

久適陝西叛兵數百。逃至河南。巡撫招至城中。與
事聞。諂逮其首惡數人。解京正法。叛兵大懼。乃陰勾
自成襲河南爲內應。故一夕而陷。丁酉自成跡福
王所在執之。并執前兵部尙書呂維祺。維祺遇王於
西關。謂王曰。名義甚重。毋自辱。王見自成恐怖。泥首
乞命。自成責數其失。遂遇害。賊置酒大會。以王爲俎。
牒鹿肉食之。號福祿酒。維祺罵賊不屈。死。世子逸走。
遇亂兵劫之。裸而奔于懷慶。是時羣盜輻輳。自成自
稱闖王。雄諸賊。變聞土震怒。逮總兵王紹禹磔之。籍

其家。二月，李自成搜掘河南富室窖藏，席捲子女，玉帛捆載入山，以書辦邵時昌爲總理官，令守河南府。巡撫李仙風偵賊已去，引兵至城下。時昌閉門拒守，尋開門迎官軍。仙風收時昌斬之。戊午，自成合羣盜圍開封，開封城爲宋汴京，全完顏亮益加增築，土堅厚五丈，賊以洞車數百，障壯士多具犁鋤斧鑿，環傳城鑿而穴之。七晝夜不息，鑿之深者四丈有奇。巡按高名衡率司道官嬰城固守，賊兵砲及城中，殺傷相繼。軍餉告匱，周王恭枋出庫金五十萬買米麥。

日夜炊飯屑麥餉守陴者。復懸金募死士。能擊死一賊者予五十金。兵民踴躍共擊賊。斃者甚衆。賊懼退數舍。李仙風督諸將高謙等。馳至開封。陳永福背城而戰。一日三捷。賊退。開封解嚴。仙風與高名衡互相計奏。詔逮仙風。仙風聞之自縊。遂以高名衡巡撫河南。壬辰李自成陷歸德。四月甲子進陝。督丁啓睿兵部尚書代楊嗣昌督師討賊。時嗣昌討賊無功。飲藥死。啓睿督秦師至潼關。左良玉自襄陽進擊李自成。至南陽。自成北出屯於盧氏。永寧寶封舉。

人牛金星向有罪當戍邊降于賊自成以其女爲妻
金星薦卜者宋獻策善河洛數獻策長不滿三尺見
自成獻圖讖云十八孩兒當王神器自成大喜拜軍
師五月乙亥賀人龍破李自成於靈峽山中高客
衡屯開封保定總督楊文岳屯禹州左良玉屯南陽
張獻忠羅汝才漸北向思合於自成猛如虎進阮德
安黃州疽發背退屯承天癸巳赦兵部尚書傅宗
龍出之獄以右侍郎都御史督陝西兵討賊羅汝
才不合於張獻忠七月自內鄉漸川走鄧州與自成

合營時自成有衆五十萬。復得汝才軍衆益熾。九月
張獻忠衆散于南陽。以數百騎奔自成。自成將殺之。
汝才以五百騎資獻忠。獻忠東奔。合回革。丁丑陝
督傅宗龍率兵四萬次新蔡。與保督楊文岳之兵會。
負人龍李國奇將秦兵。虎大威將保定兵。其結浮橋
渡河。合兵趨項城。戊寅兩軍畢渡。走龍口。是日自成
汝才亦結浮橋于上流。將趨汝寧。覘官軍至。盡伏精
銳松林中。陽驅諸賊自浮橋西渡。人龍使候騎覘賊。
還報曰。賊渡河向汝矣。己卯宗龍文岳兩軍並進。次

孟家庄。諸將以士馬俱疲。請詰朝戰。諸軍遂弛馬中散行墟落。以求芻牧。賊覘之。突起林中。搏官軍。人龍歛兵不戰。國奇迎戰。不勝。兩軍俱潰。人龍大威北奔。國奇從之。賊以步兵攻二督營。以火礮擊却之。日暮賊引去。保定兵宵潰。文岳夜奔項城。宗龍獨立營當賊壘。壬午。飛檄人龍。國奇以兵還救二帥。不應。以兵走陳州。宗龍穿塹築壕以拒賊。賊亦穿壕。重以困之。宗龍兵食盡。乃殺馬騾以享軍。馬騾復盡。殺賊取其屍分噉之。辛卯。營中火器弓矢俱盡。宗龍簡卒尚